

玉籙資度午朝儀

法事如式

各禮師 存念如法

請宣神咒

丹靈朱火 炎霞激風

赤輪剛運

天光八衝

迸威包羅 交變萬方

流金豁落

群魔滅蹤

辟奸破妖 明耀元功

金符召制

躡雲策龍

謠歌慶會 散花太空

神化宜運

四極安隆

伏御帝前 罔有不恭

鳴法鼓二十四通

無上三天玄元始三炁太上道君

太上老君

召出臣身中

三五功曹 左右官使者

左右捧香驛龍騎吏

侍香金童

玉籙資度午朝儀

清微藏書閣

傳言散花玉女

五帝直符直日香官

各三十六人出

出者 嚴裝顯服

冠帶垂纓

關啟玄壇土地

方域神真

臣今午朝 陞壇行道

謹奏為入意其諸忱悃

已錄告

聞 願得 太上十方至真道炁靈寶慧光

下降流入臣等

身中 令臣所啟之誠 速達徑御

太上無極大道三清上聖

昊天金闕玉皇上帝

東極慈尊青玄上帝

御前

請稱法位

具位臣姓某與臨壇官眾等

謹同誠上啟

虛無自然無極大道元始天尊

太上道君

太上老君
高上玉皇上帝
紫微北極大帝
紫微天皇大帝
后土皇地祇
東極青華大帝
南極長生大帝
無上玉帝玉虛上帝
東華南極西靈北真
玄都玉京金闕七寶瓊臺紫微上宮靈寶至真明皇道君
十方已得道大聖眾
至真諸君丈人

玉籙資度午朝儀

清微藏書閣

大慈大悲救苦真人
救度真人 大惠真人
注生真人 普救真人
香林會中法解真人
三十六部尊經 玄中大法師 三天大法師
靈寶經籍度三師真君
正一嗣系女三師真君
三界官屬 一切真靈

臣聞 萬真環拱 凝聖日於妙嚴 三極皈依 扇仁
風於長樂 慧光映虹霓之象 威芒射劍戟之容 名耀垂
慈 開地禁而招地魄 號尊救苦 將天炁以制天魂 一
切之結習冰消 十方之威神風動 巍巍玄運 赫赫巖瞻

臣等身佩瑤圖 心縈瓊檢 煙霞獨嘯 合凝二炁以鶯
遷 日月同流 乃混萬塵而蚊負 切切惜分之志 依依
進依寸之心 蹈過履非 幸暄丹青之威令 承符宣德
誓彰金石之真忱 君命所臨 理宜關奏 欽奉綸音 崇
修玉籙 資薦某靈 進位天階 升真仙品 按如詞旨
備切精誠 爰皈命於青華 冀登名於紫籍 瑤臺雲斂
羅玉籙之真階 琅闕天開 拱虛皇之寶御 禁路簇龍華
之仗 霄衢傳鳳蹕之音 碧霧彌羅 奏鈞天於芝陛 翠
霞縹緲 飛寶篆於蘭篝 駕行穆穆以朝班 蟻悃勤勤而
奏對 願敷陽綽 為闢陰塵 俾萬類以霑恩 使十華而
均慶 以今午朝 陞壇行道 請法眾等 運茲初捻上香
願此香煙 騰空徑上供養

玉籙資度午朝儀

清微藏書閣

無上至真道寶

臣等皈身皈神皈命 首體投地 仰依

太上三尊 十方眾聖

願以是香功德 端薦某靈 伏願 玉京侍聖 瑤闕

凝真 炁入玄玄 陰麟符而延周曆 神超渺渺 茂鳳紀

以衍堯宗 今故燒香 自皈依

師尊大聖眾 至真之德 得道之後 保天長存 與道合

真 以今午朝 陞壇行道 請法眾等 運茲二捻上香

願此香煙 騰空徑上 供養

無上至真經寶

臣等皈身皈神皈命 首體投地 仰依

太上三尊 十方眾聖

願以是香功德 資薦某靈 上請 上清黃籙院三佐
真君 請授籙符 依科證道 伏願 青華定籙 永遊宴
於福鄉朱稜登真 常逍遙於道境 今故燒香 自皈依
師尊大聖眾 至真之德
得道之後 升入無形 與道合真
以今午朝 陞壇行道 請法眾等 運絃三捻上香
願此香煙 騰空徑上供養
無上至真師寶

臣等皈身皈神皈命 首體投地 仰依
太上三尊 十方眾聖

願以是香功德 上請

度人不死之神

玉籙資度午朝儀

清微藏書閣

南極長生之君
度世司馬大神
好生韓君丈人
南上司命司錄
延壽益筭度厄尊神
南上九華真人
十方飛天神王

同遵符命 升送某靈 上登天位 恭願 降日月之
真精 會陰陽之梵炁 精神魂魄 意聚五炁以朝元 玄
牝天地 根結一珠而成象 證真天府 遊宴玉京 澤被
人天 恩覃家國 今故燒香 自皈依
師尊大聖眾 至真之德

得道之後 永保長存 與道合真

唱方

懺方

命魔

三啟

三禮

重稱法位

具位臣姓某與臨壇官眾等 謹重誠上啟

三清三境天尊

十極十華上聖

三界官屬 玄壇應感 一切真靈

臣聞碧落流精 洞煥綠羅之界 青霄御炁 輝煌蒼

玉籙資度午朝儀

清微藏書閣

藹之墟 示法身而數若沙塵 衍聖古而明符日月 凡伸

皈命 必沐留神 以今欽奉綸音 崇修玉籙 祇薦某靈

玉簡升神 諒齋功之罔極 金符度命 信妙果之無窮

恭願某靈祖炁澄清 性天瑩徹 高步華林之境 妙登

碧落之庭 上願三景高明 五靈協順 風雲藏斂 草木

輝華 魚躍鳶飛 遂生成於禹跡 鳳儀獸舞 陶化育於

虞廷 三農遊夏屋以歡娛 四鄙登春臺而樂意 顯幽遂

慶 宗社隆安 則上明天尊大慈之化 下副臣等皈命之

誠 謹啟以聞

發願

存神燒香

香官使者 左右龍虎君 侍香諸靈官 當令臣 向來午

朝陞壇行道之所 自然生金液 丹碧之英 百靈眾真
交會在此 香火鑪前 當願 誠意感通 某靈升度 克
證神仙之果 普資家國之恩 十方仙童玉女 接待蘭煙
傳臣向來所啟之誠 速達徑御
至真無極大道三清上聖
昊天金闕玉皇上帝
東極慈尊青玄上帝 道前
出堂頌

玉籙資度午朝儀竟

天運壬辰年巳月正一天師清微弟子洪鼎堅羅大英恭錄彙編

蔣科靜複校

玉籙資度午朝儀

清微藏書閣